



Na osnovu člana 18. Poslovnika Centralne izborne komisije Bosne i Hercegovine („Službeni glasnik BiH“, broj 32/23-Prečišćeni tekst) u vezi aktivnosti definiranih članom 20.16e Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i Odlukom Visokog predstavnika u Bosni i Hercegovini kojom se donosi Zakon o izmjenama i dopunama Zakona o finansiranju institucija Bosne i Hercegovine, broj 19/25 od 17.07.2025. godine, Centralna izborna komisija Bosne i Hercegovine na 38. sjednici održanoj dana 30.07.2025. godine, donosi

ODLUKU

o realizaciji višegodišnjeg projekta uvođenja specifičnih izbornih tehnologija u izborni proces u Bosni i Hercegovini

Član 1. (Predmet)

Odlukom o realizaciji višegodišnjeg projekta uvođenja specifičnih izbornih tehnologija u izborni proces u Bosni i Hercegovini (u daljnjem tekstu: Odluka) definira se proces uvođenja specifičnih tehnologija u izborni proces, određuju se tehnologije koje će se koristiti u izbornom procesu, novčana sredstva potrebna za realizaciju projekta, vremenski okvir za realizaciju projekta, potrebne aktivnosti, način suradnje, mehanizam koordinacije u instituciji, način izvještavanja i druga pitanja neophodna za realizaciju projekta.

Član 2. (Cilj)

Cilj projekta je uvođenje specifičnih tehnologija i digitalizacije izbornih procesa identifikacije birača na biračkim mjestima i utvrđivanja rezultata izbora elektronskim putem radi očuvanja, jačanja integriteta, efikasnosti i transparentnosti izbornog procesa u Bosni i Hercegovini kako je to utvrđeno u Studiji izvodljivosti uvođenja specifičnih tehnologija u Bosni i Hercegovini broj: 04-2-50-4-1192-90/20 od 28.02.2025.godine usvojenoj od strane Predstavničkog doma Parlamentarne skupštine Bosne i Hercegovine na 27. sjednici održanoj 15.04.2025. godini.

Član 3. (Tehnologije u izbornom procesu)

Specifične tehnologije koje će se koristiti u izbornom procesu u Bosni i Hercegovini su:

1. Biometrijski uređaji za identifikaciju birača (AFIS)
2. Optički skeneri glasačkih listića

Član 4. (Novčana sredstva)

Potrebna novčana sredstva za realizaciju ovoga projekta iznose 112.500.000,00 KM i bit će osigurana u budžetu institucija Bosne i Hercegovine.

Član 5. **(Vremenski okvir)**

Proces uvođenja specifičnih tehnologija u izborni proces u Bosni i Hercegovini podrazumjeva višegodišnji projekat kapitalnog ulaganja digitalizacije izbornog procesa u periodu 2025.-2028. godina, u skladu sa dinamikom definisanom posebnim Operativnim planom usvojenim od strane Centralne izborne komisije BiH.

Član 6. **(Potrebne aktivnosti)**

1. Za potrebe realizacije višegodišnjeg projekta uvođenja specifičnih tehnologija u izborni proces u Bosni i Hercegovini u 2025. godini provest će se sljedeće aktivnosti:
 - a) Javna nabavka kupovine uređaja za biometrijsku identifikaciju birača i ostalih neophodnih materijala potrebnih za rad i funkcionisanje uređaja;
 - b) Javna nabavka softverskih licenci za uređaje za biometrijsku identifikaciju birača;
 - c) Razvoj sistema upravljanja identitetom;
 - d) Javna nabavka kupovine optičkih skenera za automatsko prebrojavanje glasačkih listića i ostalih neophodnih materijala potrebnih za rad i funkcionisanje uređaja;
 - e) Javna nabavka softverskih licenci za optičke skenere za automatsko prebrojavanje glasačkih listića;
 - f) Razvoj sistema za upravljanje izborima;
 - g) Javna nabavka usluge dobavljača za osiguranje potrebne tehničke podrške;
2. Za potrebe realizacije višegodišnjeg projekta uvođenja specifičnih tehnologija u izborni proces u Bosni i Hercegovini u 2026. godini provest će se sljedeće aktivnosti:
 - a) Osiguranje skladišta i prostora za konfiguracije uređaja;
 - b) Javna nabavka papira i štampanja glasačkih listića;
 - c) Zapošljavanje osoblja koje će raditi na realizaciji projekta i provedbi izbora;
 - d) Edukacije i treninzi osoblja;
 - e) Edukacije birača;
 - f) Uspostava datacentra hostinga;
 - g) Drugi poslovi potrebni za realizaciju projekta utvrđeni posebnim odlukama Centralne izborne komisije BiH.
3. Za potrebe realizacije višegodišnjeg projekta uvođenja specifičnih tehnologija u izborni proces u Bosni i Hercegovini u 2027. godini provest će se sljedeće aktivnosti:
 - a) Evaulacija projekta
 - b) Dogradnja i proširenje sistema
4. U periodu 2025. – 2028. godina trajno rješenje pitanja skladišta za potrebe Centralne izborne komisije BiH.

Član 7.
(Javne nabavke)

Javne nabavke neophodne za realizaciju projekta bit će realizovane u skladu sa odredbama Zakona o javnim nabavkama Bosne i Hercegovine ("Službeni glasnik Bosne i Hercegovine", br. 39/14, 59/22 i 50/24).

Član 8.
(Koordinacioni tim)

Za potrebe realizacije ovoga projekta formirat će se poseban Koordinacioni tim koji će činiti predstavnici svih nadležnih institucija. Sastav, nadležnosti i druga pitanja neophodna za rad ovog tima biti će definisana Odlukom o osnivanju Koordinacionog tima usvojenom od strane Centralne izborne komisije BiH.

Član 9.
(Projektne timovi)

Za realizaciju svake od neophodnih aktivnosti Centralna izborna komisija BiH formirat će poseban projektni tim kojeg će činiti državni službenici i zaposlenici Centralne izborne komisije BiH te vanjski saradnici angažovani od strane Centralne izborne komisije BiH. Sastav, poslovi i zadaci, te druga pitanja neophodna za rad projektnih timova bit će definisana odlukom o formiranju projektnih timova.

Član 10.
(Izvještavanje)

Centralna izborna komisija BiH će o aktivnostima na realizaciji ove Odluke izvještavati Parlamentarnu skupštinu Bosne i Hercegovine najmanje jednom godišnje.

Član 11.
(Prelazne odredbe)

Svi postupci koji do dana stupanja na snagu ove odluke nisu okončani, završit će se po odredbama propisa koji je bio na snazi u vrijeme pokretanja istih.

Član 12.
(Stavljanje van snage)

Ovom odlukom stavlja se van snage Odluka o djelokrugu primjene pilot projekata Centralne izborne komisije BiH za Lokalne izbore 2024.godine („Službeni glasnik BiH“ broj 31/24 i 57/24), Odluka o određivanju biračkih mjesta za provedbu pilot projekata za Lokalne izbore 2024. godine („Službeni glasnik BiH“, broj 57/24, 59/24 i 68/24), Uputstvo o provedbi pilot projekata na Lokalnim izborima 2024.godine uz upotrebu izbornih tehnologija („Službeni glasnik BiH“ broj 31/24), Pravilnik o provođenju izbora u Bosni i Hercegovini na biračkim mjestima u Bosni i Hercegovini na kojim se koriste optički skeneri i vrši direktna transmisija rezultata za Lokalne izbore 2024. godine-Pilot projekat 2 („Službeni glasnik BiH“, broj 61/24 i 65/24), Pravilnik o načinu provođenja Pilot projekta 3 - Biometrijska identifikacija i autentifikacija birača za Lokalne izbore 2024. godine na području Brčko distrikta BiH („Službeni glasnik BiH“, broj 61/24), Uputstvo o radu biračkog odbora na biračkom mjestu na kojem se provodi Pilot projekat 1 - Autentifikacija birača i transmisija rezultata („Službeni glasnik BiH“, broj 61/24), Uputstvo o instalaciji, korištenju opreme za video nadzor, prijenosu i čuvanju nadzornih video snimaka, o

odgovornostima izbornih komisija i biračkih odbora, te prekršajima zbog kršenja propisanih pravila - Pilot projekat 4 („Službeni glasnik BiH“, broj 61/24).

Član 13.
(Konsultacije)

Nakon konsultacija s IDDEEA-om i Agencijom za zaštitu ličnih podataka, Centralna izborna komisija BiH će, posebnom odlukom, utvrditi sticanje tehničkih uvjeta i odrediti rok od kojeg počinje primjena odredbi Izbornog zakona BiH koje se odnose na uvođenje specifičnih izbornih tehnologija.

Član 14.
(Rodna jednakost)

Izrazi koji se koriste u ovoj Odluci, a imaju rodno značenje, koriste se neutralno i odnose se podjednako na muški i ženski rod.

Član 15.
(Stupanje na snagu)

Ova Odluka stupa na snagu danom donošenja i objavit će se u „Službenom glasnik BiH“, službenim glasnicima entiteta i Brčko distrikta BiH, te na internet stranici Centralne izborne komisije BiH.

SIT 1

Broj: 05-1-02-2-710-1/25

Sarajevo, 30.07.2025. godine

